



Broj: 10/E-11-5748/22
Sarajevo, 28-10-2022 godine

Na osnovu člana 32. stav (4) i člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj 39/14 i 59/22) (u daljem tekstu: Zakon), člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), a na prijedlog Komisije za nabavku roba, usluga i radova I (u daljem tekstu: Komisija I), u postupku javne nabavke arhitektonsko-inženjerskih usluga iz oblasti projektovanja objekata niskogradnje, putem otvorenog postupka (Zapisnik o pregledu i ocjeni ponuda broj: 10/E-11-5748/22 od 24-10-2022 godine), Opštinski načelnik d o n o s i

ODLUKU O IZBORU NAJPOVOLJNIJIH PONUĐAČA

- I. Prihvata se ponuda ponuđača „**FM INŽENJERING**“ d.o.o. Sarajevo, ulica Latička broj 14A/2, Stup, 71 210 Ilidža - Sarajevo, broj: FM-696/22-DŽ od 05.10.2022. godine i ponuda ponuđača „**HS INŽENJERING**“ d.o.o. Sarajevo, ulica Stupska bb, Lamela A2, naselje Bulevar, Sarajevo – Ilidža, broj: 246/22 od 12.10.2022. godine za pružanju arhitektonsko-inženjerskih usluga iz oblasti projektovanja objekata niskogradnje, putem otvorenog postupka.
- II. Prihvaćena ponuda ponuđača „FM INŽENJERING“ d.o.o. Sarajevo iznosi ukupno 158.640,00 KM bez PDV-a sa popustom, odnosno 185.608,80 KM sa PDV-om i uračunatim popustom za cijeli period trajanja okvirnog sporazuma, i rokom izvršenja odnosno izrade kompletnog projekta (prosječan broj dana) koji iznosi 30 (trideset) dana od dana potpisivanja pojedinačnog ugovora.
- III. Prihvaćena ponuda ponuđača „HS INŽENJERING“ d.o.o. Sarajevo iznosi ukupno 182.020,50 KM bez PDV-a sa popustom, odnosno 212.963,99 KM sa PDV-om i uračunatim popustom za cijeli period trajanja okvirnog sporazuma, i rokom izvršenja odnosno izrade kompletnog projekta (prosječan broj dana) koji iznosi 30 (trideset) dana od dana potpisivanja pojedinačnog ugovora.
- IV. Obavezuju se ponuđač „FM INŽENJERING“ d.o.o. Sarajevo da u skladu sa članom 45. Zakona o javnim nabavkama u roku od pet dana računajući od dana prijema ove Odluke na Protokol Ugovornog organa dostavi dokumente/dokaze iz tačke 7.1., podtačka 7.1.3. TD (Lična sposobnost), u originalu ili ovjerenoj kopiji.
- V. Ugovorni organ će sa izabranim ponuđačima, u skladu sa članom 32. stav (4) i (5) tačka a) Zakona o javnim nabavkama, zaključiti Okvirni sporazum na period od 3 (tri) godine, kojim će biti regulisana međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- VI. Ova Odluka se dostavlja svim ponuđačima koji su učestvovali u postupku javne nabavke u roku od 7 (sedam) dana od dana donošenja, shodno članu 71. Zakona o javnim nabavkama BiH.
- VII. Odluka će se objaviti na web stranici Općine Centar, www.centar.ba shodno članu 70. stav (6) Zakona o javnim nabavkama BiH.

Obrazloženje

Otvoreni postupak za javnu nabavku arhitektonsko-inženjerskih usluga iz oblasti projektovanja objekata niskogradnje pokrenut je Posebnom odlukom o pokretanju postupka javne nabavke putem otvorenog postupka, broj: 10/E-11-5748/22 od 15.09.2022. godine.

Shodno Zakonu o javnim nabavkama objavljeno je Obavještenje o nabavci 848-1-2-176-3-117/22 od 26.09.2022. godine objavljeno je na Portalu E-nabavke, a sažetak Obavještenja o nabavci objavljen je u „Službenom glasniku“ broj 66/22.

Procijenjena vrijednost javne nabavke iznosi 200.000,00 KM bez PDV-a.

Predmetna nabavka je pokrenuta ranije, te su u ostavljenom roku zaprimljene dvije ponude, što je konstatovano u zapisniku o otvaranju ponuda koje je održano dana 08.08.2022. godine.

Kako za predmetnu nabavku, u smislu člana 69. stav (2) tačka c) Zakona o javnim nabavkama nije zaprimljen dovoljan broj ponuda, a da je tenderskom dokumentacijom za predmetnu nabavku bilo predviđeno zaključenje okvirnog sporazuma sa više ponuđača, postupak je poništen Odlukom o poništenju postupka javne nabavke, broj: 10/E-11-4718/22 od 12.08.2022. godine.

Nakon što je Služba za prostorno uređenje i investicije izvršila detaljnu analizu, dostavom zahtjeva od 07.09.2022. godine pokrenut je novi postupak za nabavku arhitektonsko-inženjerskih usluga iz oblasti projektovanja objekata niskogradnje, za koju su u budžetu Općine Centar, kao i kroz dokument DOB 2023 – 2025. osigurana potrebna finansijska sredstva.

U roku za predaju ponuda za arhitektonsko-inženjerske usluge iz oblasti projektovanja objekata niskogradnje koji je određen tenderskom dokumentacijom (13.10.2022. godine do 12:00 sati), na adresu ugovornog organa dostavljene su 2 (dvije) ponuda sljedećih ponuđača: 1. „HS INŽENJERING“ d.o.o. Sarajevo i 2. „FM INŽENJERING“ d.o.o. Sarajevo.

Uzevši u obzir da se radi o slučaju ponavljanja postupka zbog nedovoljnog broj primljenih ponuda, u smislu člana 32. stav (4) Zakona o javnim nabavkama, Komisija I je konstatovala kako su ispunjeni uslovi za javno otvaranje i pregled dostavljenih ponuda.

U skladu sa članom 63. Zakona o javnim nabavkama BiH, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda i rok izvršenja kao potkriterije „ekonomski najpovoljnije ponude“, kako slijedi:

R/b	Ponuđač	Ukupna cijena ponude u KM bez PDV-a	Popust izražen u KM i procentu %	Ukupna cijena u KM sa PDV-om i popustom	Rok izvršenja odnosno izrade kompletnog projekta (prosječan broj dana)
1.	„HS INŽENJERING“ d.o.o. Sarajevo	187.650,00	5.629,50 KM (3%)	212.963,99	30 dana od dana potpisivanja pojedinačnog ugovora
2.	„FM INŽENJERING“ d.o.o. Sarajevo	198.300,00	39.660,00 (20%)	185.608,80	30 dana od dana potpisivanja pojedinačnog ugovora

Nakon izvršenog javnog otvaranja ponuda, na zatvorenom sastanku Komisija I je u skladu sa pravilima propisanim Zakonom i podzakonskim aktima pristupila detaljnoj analizi dokumentacije priložene uz ponude, u smislu provjere njihove potpunosti i ispravnosti, kao i usklađenosti sa zahtjevima ugovornog organa iskazanim u tenderskoj dokumentaciji za ovaj predmet javne nabavke.

Komisija I je uvidom utvrdila da dostavljene ponude ispunjavaju formalno-pravne, ekonomske i tehničke uslove odnosno zahtjeve ugovornog organa iz tenderske dokumentacije te da su prihvatljive. Komisija I je izvršila i računsku kontrolu dostavljenih ponuda i pri tome nije pronađena niti jedna računska greška.

Nakon što je konstatovala da su ponude ponuđača „HS INŽENJERING“ d.o.o. Sarajevo i „FM INŽENJERING“ d.o.o. Sarajevo potpune i sačinjene u skladu sa zahtjevima iz tenderske dokumentacije, Uputstvom za pripremu modela tenderske dokumentacije i Zakonom o javnim nabavkama BiH, Komisija I je izvršila evaluaciju i bodovanje ponuda prema kriteriju za izbor ponude „ekonomski najpovoljnija ponuda“ shodno članu 64. stav (1) tačka a) Zakona, a u skladu sa

određenim potkriterijima, primjenom odgovarajuće formule za izračun broja bodova navedene u Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijeg ponuđača, iz tenderske dokumentacije (Aneks 9.), kako slijedi:

R/b	Ponuđač	Potkriterij	
		Cijena 60% (sa PDV-om i sa popustom)	Rok izvršenja odnosno izrade kompletnog projekta (prosječan broj dana) 40%
1.	„HS INŽENJERING“ d.o.o. Sarajevo	185.608,80/212.963,99 x 60 = 52,29 boda	30/30 x 40 = 40,00 bodova
2.	„FM INŽENJERING“ d.o.o. Sarajevo	185.608,80/185.608,80 x 60 = 60,00 bodova	30/30 x 40 = 40,00 bodova

Nakon bodovanja po osnovu utvrđenih potkriterija ekonomski najpovoljnije ponude (cijena – 60% i rok izvođenja odnosno izrade – 40%), Komisija I je izvršila rangiranje ponuda:

R/b	Ponuđač	Broj bodova	Rang
1.	„FM INŽENJERING“ d.o.o. Sarajevo	100	1
2.	„HS INŽENJERING“ d.o.o. Sarajevo	92,29	2

Komisija je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU

Ponude ponuđača **„FM INŽENJERING“ d.o.o. Sarajevo**, ulica Latička broj 14A/2, Stup, 71 210 Ilidža, broj: FM-696/22-DŽ od 05.10.2022. godine i ponude ponuđača **„HS INŽENJERING“ d.o.o. Sarajevo**, ulica Stupska bb, Lamela A2, naselje Bulevar, Sarajevo – Ilidža, broj: 246/22 od 12.10.2022. godine, za pružanje arhitektonsko-inženjerskih usluga iz oblasti projektovanja objekata niskogradnje, te će se sa navedenim ponuđačima **„FM INŽENJERING“ d.o.o. Sarajevo** i **„HS INŽENJERING“ d.o.o. Sarajevo** zaključiti okvirni sporazum prema uslovima iz prihvaćenih ponuda, u skladu sa članom 32. stav (4) i (5) tačka a) Zakona o javnim nabavkama.

Cijena ponude ponuđača **„FM INŽENJERING“ d.o.o. Sarajevo** iznosi ukupno 158.640,00 KM bez PDV-a sa popustom, odnosno 185.608,80 KM sa PDV-om i uračunatim popustom, za cijeli period trajanja okvirnog sporazuma.

Ponuđeni rok izvršenja odnosno izrade kompletnog projekta (prosječan broj dana) iznosi 30 (trideset) dana od dana potpisivanja pojedinačnog ugovora.

Cijena ponude ponuđača **„HS INŽENJERING“ d.o.o. Sarajevo** iznosi 182.020,50 KM bez PDV-a sa popustom, odnosno 212.963,99 KM sa PDV-om i uračunatim popustom, za cijeli period trajanja okvirnog sporazuma.

Ponuđeni rok izvršenja odnosno izrade kompletnog projekta (prosječan broj dana) iznosi 30 (trideset) dana od dana potpisivanja pojedinačnog ugovora.

Opštinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije, te je odlučeno kao u dispozitivu Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema iste shodno članu 101. stav (1) tačka d) Zakona o javnim nabavkama BiH.

Naknada za pokretanje žalbenog postupka propisana je članom 108. stav (1) točka c) Zakona o javnim nabavkama BiH.

Žalba se podnosi u dovoljnom broju primjeraka, a koji ne može biti manji od tri.

Prilog: Zapisnik o pregledu i ocjeni ponuda
broj: 10/E-11-5748/22 od ~~24~~ 10. 2022. godine



DOSTAVITI:

1. „HS INŽENJERING“ d.o.o. Sarajevo, ul. Stupska bb, Lamela A2, naselje Bulevar, 71 000 Sarajevo
2. „FM INŽENJERING“ d.o.o. Sarajevo, ul. Latička broj 14A/2, Stup, 21 210 Ilidža - Sarajevo
3. Službi za prostorno uređenje i investicije
4. Kabinetu općinskog načelnika – Odsjek za javne nabavke
5. Službi za finansije
6. U spis